


B. N. C.  
FIRENZE  
1044  
12



Misc. 1044 12



XXXIV  
a PAR.

FRATRIS  
ARCHANGELI  
A PARMA  
SOCII PATRIS MACEDO  
EPISTOLA

*Obuia Aduentoria Patris Noris super Qua-  
stione Grammatica.*



ROMAE, Typis Nicolai Angeli Tinassij. 1674.

SUPERIORVM PERMISSV.

THE  
LIBRARY  
OF THE  
MUSEUM OF  
COMPARATIVE ZOOLOGY  
AT HARVARD UNIVERSITY  
Cambridge, Mass.



Obuia Epistola Fratris Archangeli à  
Parma Socij Patris Macedo Ad-  
uentoriæ Patris Noris super  
quæstione Grammatica.



LITTERAS quas scripsit Paternitas tua P.  
Macedo eas ego accepi, quod ille erat  
occupatissimus, & ad iter Patauinum se  
accingebat: itaque pro illo respondeo.  
Miror te tantum virum communem ex-  
pectationem fefellisse, quam excitaras,  
defendendi illam infelicem de Sancto-  
rum Patrum Lirinensium hæresi senten-  
tiam, & omissa Apologia ad leuissimam quæstiunculam de-  
flexisse. Quod enim Macedo parergon leui brachio attige-  
rat, & loco diuerticuli amæni in spinosa, & densa contro-  
uersia posuerat, illud tu tanto impetu animi suscepisti, qua-  
si in eo fortunæ totius Scholæ sita essent. Artificiose qui-  
dem ac solerter fecisti, prudentissime Noris, qui cum videres  
non posse te Christianam, & solidam Macedi doctri-  
nam, inuictis munitam argumentis refellere, à iugulo cau-  
sæ grauissimæ ad talum leuissimæ disceptationis stylum auer-  
tisti, vt hoc fucō inducto lectoribus tuam cunctationem  
obtegeres. Nec temerè dico: nam si velis tuam opinatio-  
nem defendere, propè est vt à veritate deficias, imò & à te  
ipso discedas, quem constat in vtramque partem, vel inui-  
tum ita disputasse, vt cum alteram amplectaris, alteram  
dimittas necesse sit; sicuti Macedum tuis in te argumentis  
retortis demonstrare memini. Verum ne putes te in Gram-  
maticis excellere, volo palam facere in hac te disceptatiun-  
cula operam perdidisse. Ac, vt videant Lectores te scopum  
non collimasse, propono hic textum Macedi, vt ap-  
pareat



pareat quanto iure affirmet, quæ tu negare contendis, & quæ sint aliena à causa quæ proferretur.

Patet Scopum Macedi esse retinere in Augustino nomen *Albini* viri, uti est in omnibus exemplaribus, ita ut ille vir sit, non femina *Albina*, ea ratione: quia nomen masculinum viri significare feminam nequit, quod tu asserebas affirmans *Albinum* virum significare *Albinam* feminam. Improbavit tuam rationem, qua hoc suadebas: dicebas *in illa ætate solere usurpari promiscuè à Sanctis Patribus, nomina virorum, & feminarum*, & negavit hoc per veteres, & nuperos Grammaticos licuisse. Ab hoc scopo, doctissime Pater, tu deflectis in hac tua Epistola, & alio collimas eruditionem tuam; probas enim terminationes nominum masculinorum convenire etiam femininis, idque accumulatis auctoribus probare contendis. Nemo tibi hoc negat. Patet enim multa nomina feminina habere terminationem masculinam uti *domus, ficus, acus*, & huiusmodi. Non erat hic scopus P. Macedo, sed longè alius: videlicet nomina virorum, feminis non quadrare, neque contra. Audi rationem. Nomina imponuntur ad res propriè significandas. Masculinum significat marem, femininum feminam, qui distinctos sexus habent, ac proinde distinctis nominibus significantur; alioqui confunderentur significata, quando nomina confunduntur. Quare linguæ eruditæ, qualis est Hebræa, Græca, & Latina, semper nomina virorum, & mulierum distinxerunt. Hebræa, quæ sacra est, assignat peculiare litteras viro, & feminæ, ut verum sit illud Genesis 2. *omne quod vocavis Adam ipsum est nomen eius*: Apparet in *Isch*, & *Ischa*. Assignat autem femininis he præcedente *camets*, & accentu in ultima, vel he præcedente *segol*, & accentu in penultima, vel præcedente *chiric*, aut *seurech*, & accentu in ultima. Idem tradit Latina, quæ *Vs* assignat viris, & *A* feminis. Non legimus Tullius pro Tullia, Servius pro Servia, Paulus pro Paula, Cornelius pro Cornelia. Græca verò quoniam terminationes minus distinctas habet

habet adhibet, & affigit articulos, quibus nomina distinguantur, idest *o.i.to*. Hæc doctrina constans est, & ex ea probatur *Albinus* esse nomen viri Albini, non feminae Albinae. Hoc doctissime Noris, tuæ eruditiones, & exempla non probant; sed tantum probant, nomina quædam terminata in *Vs* significare rem non masculinam, quod diuersum est à scopo Macedi. Qui tuis te exemplis potest refellere. Afferes *Eunuchus*, & *Aegyptus*: at hæc duo nomina non significant feminam, temetipso auctore. Est enim *Eunuchus Comadia*, non femina, *Aegyptus* Regio, non femina; quo fatetur non inuenisse te vllum nomen viri, quod significaret feminam: nisi fortè velis *Eunuchum* feminae accommodare, quod est incongruum, idè rectè dixisti *Eunuchus Comadia*, non vero Eunuchus femina. Allegas pro te Rosuueydam, qui Albinum legit pro Albina, cui nos refragamur; non enim ille est ex Præceptoribus, quos Macedo citauit. Facilius esset dicere irrepsisse mendum in nomen Albinus, quod debuit esse Albina. Quod adiungis de *Melanio* pro Melania, rem non continet; Melanium quippe nomen est neutrum, non masculinum: quod etiam intellige de *Enstochium*. Expectamus à te, vir doctissime, exempla alia in quibus appelleretur femina nomine proprio viri. Dico *proprio*: quoniam multa sunt virorum cognomina, quæ terminantur in *A*. quæ est terminatio feminina: vti Sulla, Fimbria, Catilina, Cæcina; sed ne viderentur feminae, distinguebantur nominibus masculinis proprijs virorum, vti Lucius, Caius, Sergius, Aulus, tanta erat Religio Latinis nominandi.

Liquet ex eo, aliorum expectare, quæ tu eruditissime tradis de Glycerio, & Glyceria, quæ propterea prætermittimus, cum aliena sint à Scopo nostro. raterica Glycerium nomen est neutrum, non masculinum, ac proinde extra quæstionem. Hic est sensus, & Scopus Patris Macedo, qui rationem tuam impugnat: videlicet Patrum illorum tempore, idest Hieronymi, Augustini, Paulini promiscuè solita esse virorum, & feminarum nomina usurpari. Hanc

tuam positionem meritò non recipit Macedo, tum quia illi Patres latinissimi erant, nec debuerunt à prisca latinitate, deniare, tum quia tua ratio non probatur exemplis illorum Patrum, sed exemplis aliorum auctorum alterius temporis prioris, puta Terentij, Horatij, & huiusmodi: vnde patet, non eo solum tempore illorū Patrum, morem illum (si esset) miscendi nomina viguisse, cū etiam aureis latinitatis sæculis viguerit: tum præcipuè, quia non colligitur ex vno exemplo ille vsus loquendi communis, nec enim ex vno probantur plura, sed ex pluribus probantur pauciora. Hoc animaduertit Macedo: à te vnum tantum exemplum afferri, & ex eo colligi vsum communem, quod est contra regulam inductionis logicæ, quæ ex pluribus infert vnum, non contrà. Producis, vir doctissimè, exemplum solius *Albini* pro *Albina*, & ex eo infers vsum communem, qui ex eo non sequitur. Accedit quòd nomen *Albinus*, non potest trahi in exemplum, cū de eo litigeretur. Urgeo. An quia semel est in Sacris iumentum locutum, inde colligitur solita loqui iumenta? Num quia *Liuius* refert bouem aliquando locutum, rectè insertur, boues loqui consueuisse? Ego qui recens à logica sum planè inficiabor. Hæc sunt quæ displicuerunt P. Macedo. Quem tu reprehendis quod dixerit. *Nec Glycerium apud Terentium in Andria Glyceria vocari potuit.* Meo iudicio immeritò, nam ille retinuit *Glycerium* intra Comædiam Terentij, in qua certè semper appellatur *Glycerium*, tu verò probas extra Terentium inueniri nomine *Glyceriæ*, & *Glyceræ*, idest apud Horatium, & alios, de quibus Macedo non loquebatur, & illi de alijs *Glycerijs* loquebātur. Aliud agis. Caret igitur reprehensione sed non cessas tantum virum inculcare; dicis eum perperam dixisse *Eustochium nomen proprium virginis esse*, negas enim, & ais esse *Iulia* ex loco Hieronymi Epist. 27. his verbis. *Iunela est Toxotio, qui Aenea, & Iuliorum altissimum sanguinem trahit, vnde etiam filia eius virgo Eustochium, Iulia nuncupatur.* Libero Macedum primò, quia ille cum dixit *nomen proprium virginis*, non est cogendus ad eum sensum,

ut *Eustochium* sit nomen proprium, sed siue nomen sit, siue cognomen, quadrare in solam *Eustochium*. Deindè nego non esse proprium nomen, quia nomen *Iulia* est nomen gentilitium, à maioribus tractum, non autem nomen proprium virginis, quod erat *Eustochium*, & patet quia alij eiusdem gentis Iulij poterant appellari; itaque *Toxotius* eius frater potuit etiam *Iulius* appellari. Huc pertinet *Gandorfodi* dictum, qui *Toxotios Iunys*, ut tute ais, accensuit, nam si hoc sit verum, sequitur *Eustochium Iuniam* esse nuncupandam. Manet itaque liber Macedo à Nota. Respondet tibi vir pietissimus hoc loco verbis Augustini. Ignorantiam meam de origine animarum te corripiente, atque obiurgante, non molestè ferrem, imò insuper & gratias magnas agerem, si eam mihi non solum duris percuteres conuijs, sed veris etiam excuteres distis. Si enim me posses docere quod nescio, non solum te verbis, sed & pugnis cadentem deberem patientissime sustinere.

Quæro ex te, doctissime vir, tanquam discipulus, quorsum tendit illud testimonium *Capitolini Desponsata* inquit illi erat *Iulia Fadella* proneptis *Antonini*, quam postea accepit *Toxotius* eiusdem familia Senator? Putasne fortè istam, *Iuliam*, nostram esse *Eustochium*, quæ virgo erat, & perpetuò virgo fuit? Et tempore excluditur? Quod si aliam, uti patet, esse arbitraris, iam alia præter nostram *Eustochium Iulia* appellabatur, & ruit illa coniectura, cum constet *Iulia* commune nomen, & gentilitium haberi. Ex his constat *P. Macedum* scopum attingisse, & rem acu tetigisse.

Supereft dicere de illo exemplo inuento apud *Gruterum*, *Producis* epitaphium, ubi est *Ramo Vrsula*, in quo videris triumphare, sed laurea in mustaceo, ut ait *Cicero*. Retorquetur enim hoc modo. Primum *Ramus* non est nomen viri: deindè additur ei *Vrsula*, ne masculus esse crederetur, ac in te vertitur exemplum. Tam enim est alienum à femina nomen viri, ut etiam nomen *Ramo*, qui vir non erat, distinguendus fuerit addito cognomine feminino.

Maneat igitur, Albinum non poni pro Albina, Melanium aptum exemplum non esse, quod sit neutrum, nec, ut verum foret Albinum exemplum, colligi consuetudinem sic appellandi. *Eunuchus* in propria significatione non quadrare in feminam. Nomen *Egyptus* esse regionis, non viri, atque adeo nihil probare. *Glycerium* apud Terentium, *Glyceriam* minimè nuncupari. *Eustochium* Virginem proprio nomine Eustochium, communi verò, & gentilitio Iuliam nominari. *Ramum* non esse nomen viri, atque adeo non esse aptum, præterea cognominis Ursula ad significatum femininum reuocari. Hæc de grammatica quæstione, in qua tu à prisceis magistris, & nuperis probatis præceptoribus deuiaſti, & maluiſti nouis Iansenistarum commentationibus in lib. *Nouvelle methode* adhærere, ex quibus omnes tuas eruditiones iisdem penè verbis in tuam Aduentoriam tranſuuliſti.

Alia de Albino: Quis ille fuerit, difficilior est, & ultra meum captum; eam tuo tempore ſuſcipiet P. Macedo, & quoniam tibi licet differre apologiam tuam pro cauſa principali; licebit ei præſertim occupatiſſimo, & properanti eam in opportuniuſ tempus reſeruare. Interim tamen quod meæ facultatis eſt, animaduerto, prudentiſſimè ſe in hac materia geſſiſſe. Nam primum ille obtinuit ut *Albinus* vir eſſet non Albina; deinde retinuit lectiones exemplarium Auguſtini: quod ſibi propoſuerat. Præterea diligenter inueſtigauit excuſſis multis Auguſtini operibus iſta nomina *Albini*, & *Piniani*, & *Melania*, ut ſemper Albinum retinendum eſſe oſtenderet. Inſuper vidit difficultatem, adſtruendi certam perſonam, quam etiam vidit Baroſius, & tu ipſe comperiſti, ac ea deterritus Albinam ſubſtituiſti, quod lectiones non patiuntur. Præterea acutè, & ſubtiliter locum Auguſtini à te minus benè expoſitum interpretatus eſt, ſeruata lectione integra, non autem mutata, & violata, quod Roſſueyduſ fecit, quem ſequeris. Tandem obtinuit quod ſuſceperat, nempe Albinam excludere, & *Albinum* retinere. Satis hoc

7  
hoc ei erat propositum, nec oportebat transire ulterius  
ad inueniendam certam personam: quæstio enim erat, verum  
Albinus vir, vel Albina femina in Augustino poneretur.  
Euicit argumentando, virum esse, non feminam, nec au-  
plius exigebatur. Quod si ulterius progressus est extra offi-  
cium, & debitum fuit, & ut aiunt, ex abundantia, in quo  
ille prudenter discurrit, nempe excludendo Albinum filium  
quem induxerat, quanquam dubius, Baronius; quod erat  
iunior, quam ut primo loco nominaretur. Supererat igi-  
tur, ut ille vir Albinus senior esset Piniano, & Melania.  
Is nullus sanè esse poterat, nisi, aut pater, aut auus, aut  
*Thios* Quid hic est, quod non sit à maturo iudicio pro-  
fectum? Certè ita opinantur omnes docti, qui hanc parti-  
culam, quam tu irrides, legerunt: nec erat opus ulterius  
tendere, quod illa quæstio: *Quisnam esset ex ijs senioribus,*  
non pertinebat ad scopum Macedi, ut apparet. Laudandus  
est igitur, non vituperandus. Nihil enim ille, *para to prepon*

Quas tu hic excitas tragædias contra P. Macedum!  
Quas ei contumelias, quæ conuicia facis, Audi me quæso  
pacatè; Propone tibi Albinum virum. Quem eum esse di-  
ces? Neminem, nisi aliquem ex ijs, quos P. Macedo ad-  
duxit. At respondes: non inueniri istum Albinum. Verum  
hoc argumentum est negatiuum, quod nihil concludit ad-  
uersus affirmantem. Progredior. Fige oculos in Patre  
Piniani: Cur non erit hic ille Albinus? Negas, quia ille  
Pater Piniani dicebatur *Seuerus*. An non potuit appellari  
*Albinus*, sicuti Eustochium Iulia potuit appellari? Repetis,  
non inueniri istud nomen. Non tamen ex eo sequitur non  
potuisse duplici nomine vocari. Scis enim Romanos tria  
nomina habere solitos, certè vno tantum non appellari.  
Cur igitur istum excludis? Pergo. Conuerte oculos ad Socerum  
Piniani. Mihi videtur probabile hunc Albinum, illum  
fuisse. Occurris euidenter te demonstrare non fuisse.  
Ostendo esse probabile: nam vero simile est quod ait Chi-  
actius, anno 416. eiusdem obitum ponere, tum non erit ab

re biennium addere, & affirmare eum usque ad annum 18. vixisse, quo anno te auctore librum illum Augustinus scripsit. Ergo verosimile est, eum Albinum socerum Piniani esse potuisse. Quid si Augustinus eum librum ante illum annum 18. in quo defunctus est Zosimus, librum edidit? Nihil enim repugnat vno anno ante eum Zosimus ante mortem suam Pelagianos damnare potuerit. De parvulo igitur spatio laboramus. Monstrabit tibi Macedo socerum istum anno 418. vivere potuisse. Cur ergo, si hæc non sunt improbabilia, Macedum reprobas? Nosti, quam sit impedita ratio chronologiæ, & quanta sit varietas in supputatione annorum, uti in tuo libro de Hist. Pelag. testaris. Non debes tuas opiniones certas, & indubitatas putare, & moderatius de istis differere: quod si fecisses, non toties à Baronio descisces. Hæc ex meo paupere penu tibi repono. Tempus eris, cum à doctissimo viro minus occupato refuteris. Quomodo irrides argumentum Macedi, quod est à partium enumeratione, Aui, Soceri, Patris, Thy, quod tu solvere cum deberes, nec posses, confugisti ad irrisiones. Vtcumque sit, Retinendus est omnino Albinus, quo retento, necesse est, aliquem Albinum reponere, ne cum recentioribus illis Grammaticæ novatoribus Iansenistis hominibus sentiamus. Doleo vicem tuam (non ut ais vices) qui voluisti contra Macedum Augustini interpretem, & discipulum atuleatum calamum convertere, cuius ego nomine Augustini verba, proferre volo (*Lib. 11. contra Iulianum inst.*) *Contumelias tuas, & verba maledica, Iuliane, quæ ardens iracundia anhelas, si me contemnere dixerò mentiar. Quomodo enim possum ista contemnere ubi testimonium conscientie mee cogitans, vel gaudere me video debere pro me, vel dolere pro te, & rursum. Paucâ, quæ velut infirmiora existimasti, prosternere, & contumelias molitus es, quæ tamen attingere timuisti, in concussa manere monstrantur.*

Nunc affero quod mirere. Vbi tu; doctissime vir, incredulum putas Macedum, ibi ille se præbet eruditissimum. Scias eum evoluisse multos libros, ac in ijs Hieronimum;

Augu-



Augustinum, Paulinum, Prosperum, Vitas Patrum, Possidium, Palladium, Ruffinum, Metafrastem, Surium, Baronium, Spondanum, & ipsum quem citas Rossueydam, & quia vidit in Historijs non posse inueniri istum Albinum, id circo fassus est ingenuè, latere se, quis esset: propterea ad coniecturas recurrit, ac vti vir ingeniosus, & circumspectus inuenit illam optimam, elicitam ex ipso met textu Augustino *sincerissimi fratres dilecti à Deo Albine, Piniane, & Melania*, quod nomen fratres significat maiorem partem masculos esse *sincerissimi, dilecti*. Hanc tu coniecturam refellis adducto exemplo Epistolæ Augustini ad Paulinum, & Therasiam, in qua dicitur *Fratribus Paulino, & Therasia: Sancti fratres, & dilecti Deo; dilectissimi præstantissimi fratres*, pace tua dicam, minus capis vim coniecturæ, & tuum exemplum rem non continet, & apparet Macedi ingenium, quippe qui notauit in verbis Augustini vbi ponuntur duæ femine: socrus, vt tu ais *Albina*, & vxor *Melania*, vnus tantum *Pinianus* vir, non debuisse dici fratres à minori numero, idest ab vno viro: nec valet prærogatiua sexus, quia tu ipse fateris primum locum habere Albinam, quod socrus erat. Vide nunc ingenium Macedi. Feminae præstant numero, ac dignitate, ergo debent etiam præstare appellatione, non autem appellari *fratres* propter vnum Pinianum. Tuum exemplum non est aptum, quia in Epistola ad Paulinum, & Therasiam duo soli nominantur *Paulinus, & Therasia*: vbi oportet præcedat vnus masculus vnâ feminam. Rectè argumentareris, si cum Paulino duæ femine concurrerent cum prærogatiua dignitatis, sicuti in proximo exemplo *Albine, Piniane, & Melania*. Atque hic ego exulto lætitia, & admiror subtilitatem, & acumen P. Macedi cum infinita eruditione coniunctum. Nosce doctissime Noris, quantum valeat ingenium ad difficultates historicas extricandas. Confirmo coniecturam Macedi, & satisfacio tuæ dubitationi, quam posses opponere, afferendo modum, quo Augustinus vtitur, quando scribit ad virum, & feminas, plures, & digniores,



quàm sit vnus vir cum illis cōcurrens. Epistola 87. *Dilectissima, & sanctissima Matri Felicitati, & fratri Rustico, & sororibus, quæ vobiscum sunt, Augustinus.* Nota differentiam appellationum; nō appellauit Felicitatem, & Rusticum fratres, quia Felicitas dignior erat Rustico; & quia alias sorores erant, distinxit salutationes. Ita faceret Augustinus, si *Albinus* socrus esset, non autem appellaret *fratres*, cum præsertim *Melania* adderetur. Hac ratione coniectura ita roboratur, vt transeat in euidens argumentum, quo demonstratur apud Augustinum non posse *Albinum* feminam esse. Desine igitur, doctissime vir, Macedum reprehendere, imo suspice, & venerare hominem in Augustino mirabiliter versatum, & ingeniosissime Historias versantem. Nec solum adhibet locum Augustini, sed etiam egregium testimonium Hieronymi Epist. 29. *Sancti, inquit, filij communes Albinus, Apinianus, et Melania, plurimum vos saluant.* Vbi Grauius: *Augustinus, vt scribitur in vetustis exemplaribus, scripsit duos libros de peccato originali, ad Albinum, et Pinianum, et Melaniam. Quorum primus est de Gratia Christi contra Pelagianum, et Galestium in excussis codicibus, cuius initium. Quantum de vestra corporali, et maximè spiritali, salute gaudeamus, sincerissimi fratres dilecti à Deo, Albine, Piniane, et Melania, quia effari non possumus, vobis cogitandum credendumque committimus. Melania autem hac est maioris Melania neptis, qua nupsit Piniano, Seneri ex Præselli filio, teste Heraclide in Paradiso.* Obserua Sanctum Hieronymum appellasse Filios nomine masculino, vt Augustinus appellauerat fratres, quod non faceret nisi duo *Albinus*, & *Pinianus* viri essent. Si contrà sentire pergas, Augustino, & Hieronymo aduersaberis.

Quod verò attinet ad illud pag. 34. vbi enumeras, vir eruditissime, auctores, qui damnant Semipelagianismi Sanctum Hilarium Arelatensem, ego animaduerto, minus hoc esse verum, quàm à te creditur. Quod sic ostendo, Prosperus, Teophilum Raynaudū, Gabrielem de Henao tantum dicere, Hilarium

lariū doctrinā Augustini de Prædestinatione *inquerelā traxisse*: quod non est damnare eum Semipelagianismi, vt euidenter ostendit P. Macedo. Syrmondum verò dicere, *non probari eā in parte doctrinam Augustini*: quod sine hæresi stare potest, cum multis Catholicis Doctoribus ea innocenter, & sine nota non probetur. Ex alijs Fratres Sammarthani tantum aiunt, Hilarium fuisse contrarium doctrinæ Augustini. Hoc autem non continet hæresim, quia multi hodie Catholici in hac sententia Augustino aduersantur. Gilbertus Maguinus idem dicit, quamquam durius loquatur, dum ait *teste Prospero Hilarium, & alios Sancti Augustini de gratuita Dei de Prædestinatione doctrinam, non minus, quam hæresim auersati sunt*. Apparet tamen ex his verbis eum non ita sensisse, sed Auctore Prospero, rem de alijs affirmasse; cum autem sit falsum, Prosperum illud dixisse, Maguini testimonium irritum redditur. Vltimum habeto, Pater doctissime, quamquam ne hic quidem Semipelagianismum attribuit Hilario. Solum quippe ait, cum à Prospero inter eos annumerari, qui ab Augustino in doctrina de Prædestinatione dissentiunt; vnde deducitur P. Macedum rectè omninò dixisse, nullum Auctorem bonum, malum esse, qui Semipelagianismum Hilario attribuerit. Manes igitur, Sapientissime Pater, tu solus huiusce opinionis Auctor, quem nos magnoperè dolemus in ea esse sententia. Peto à te suppliciter, vt velis ab ea discedere, & Patri Macedo adherere, & Sanctum Hilarium ista calumnia liberare. Et quamquam asseras, te scribere velle in confirmationem hæreseos Sancti Vincentij Lirinensis, & Sancti Hilarij Arêlatensis, & reliquorum Sanctorum, & Monachorum Lirinensium, ego id te facturum esse non existimo; non enim potest ab homine pio negari, eos esse Sanctos in Martyrologio nominatos, quo cum stare non potest hæresis Semipelagiana. Nec valet dicere, eo tempore, Semipelagianam hæresim non esse damnatam, quia vti probat euidenter P. Macedo, etiam te Auctore non valet illa excusatio, cum Semipelagianismus ab

initio damnatus esset propter duas rationes à P. Macedo ad-  
 ductas. Prima, quia Semipelagiani in Pelagianis fuerunt  
 damnati, quemadmodum Semiariani in Arianis, nam Pela-  
 giani dupliciter errabant; tum quia negabant necessitatem  
 gratiæ; tum quia affirmabant gratiam dari ex meritis, &  
 hic secundus error erat Semipelagianorum, & propter illum  
 in Pelagianis damnati erant à Patribus Africanis in suis  
 Concilijs, & ab Innocentio, Zosimo, & Bonifacio Pon-  
 tificibus Romanis, tum quia sentiebant contra Epistolam  
 Decretalem Cælestini damnantis Semipelagianismum, præ-  
 fertim Vincentius Lirinensis, quem tu affirmas illam Epi-  
 stolam decretalem impugnasse, & detorsisse. Vnde ego,  
 tua pace, dicam, & habita reuerentia tam docto, & Reli-  
 gioso viro, non possum credere, te affirmaturum, hos  
 Sanctos Semipelagianos fuisse, cum eos esse consecratos à  
 Sancta Matre Ecclesia negari non possit. Et quidem, uti sum  
 recens à Logica, argumento evidenti probare volo, contra-  
 dictionem esse in tua sententia, quæ tenet, eos Sanctos esse, &  
 Semipelagianos, & sic formo huiusmodi argumentum.  
 Nullus Hæreticus Semipelagianus in Cælo est, sed in illa  
 sententia præfata Vincentius Lirinensis est Hæreticus Semi-  
 pelagianus, ergo in Cælo non est. Maior constat: minor af-  
 firmatur in tua sententia tenente post Epistolam Cælestini,  
 eum contumacem, & Hæreticum fuisse; consequentia rectè  
 colligitur, cum sit in Feriis itaque hoc ego argumento conuin-  
 cor, & puto debere quemlibet Christianum conuinci. Hæc  
 sunt quæ mihi occurrerunt circa tuam Epistolam ad defen-  
 sionem Patris Macedi Magistri mei, quem etiam liberare,  
 à tuis notis volo. Memineris ab eo te iuuenem fuisse com-  
 mendatam, & ornatam, multa te cum illo communicasse.  
 Audiui enim te sæpe fatentem quasi *alumnus* tanti viri fuis-  
 se, quod quamquam dixeris pro tua modestia, fortè non  
 aberrat à veritate. Ille te in suis libris sæpe, & magnopere  
 laudat, præsertim tomo 2. Collat. doctrinæ D. Thomæ, &  
 Scoti, ubi te citat sexcenties, & effusa manu laudes tuas  
 cumu-

cumulat, cum tamen tu multò rarius, & minus illum commendes, solitus dicere abstinere te ab illo allegando, ne ab eo mutuatus esse sententias videreris. Mitto alia, quæ ille me vetat proferre. Memineris te multum ei esse obligatum. Doleo quod à te tam indignis modis tractetur. Ille te monuit ne illam calumniam imponeres Sanctis Vincentio Lirinensi, & Hilario: ne Baronium toties desereres, quem virum ille mirificè colit, & veneratur. Ac ne quid de illo sinistrum propter illum prologum suspiceris, mihi socio eius intimo constat, cum illum scripsit de te, ne per somnium quidem cogitasse. Querela tua de ignorantia Grammaticæ in indice libri posita inanis est, quia index ille textus est ab alio, non à P. Macedo. Quod mihi constat Veronæ cum comitanti. Querimonia, quod ille te non viderit Florentiæ, non est iusta; nam potius à te ille debuisset inuisi, senex, & hospes. Facile tibi esset illum videre in Palatio Serenissimi Magni Ducis, vbi Reuerendissimus P. Generalis tuus à P. Macedo ibi tum præsentè officiosè conuentus, & habitus est, à cuius te comitatu abstraxisti: Noueras P. Macedum in aula esse causa visitandi, & visendi Serenissimū Magnū Ducē, Principem incomparabilē, splendore, magnificentia, liberalitate, prudentia, iustitia, humanitate, cuius Macedo egregias animi, & corporis dotes vbique prædicat, prædicabitque dum vixerit, quemadmodum etiam extollit, extolletque eximias virtutes Serenissimi, ac Eminentissimi Principis Leopoldi Cardinalis, quæ sine magno præconio, & admiratione enarrari nō possunt. Sciunt omnes P. Macedum hominem esse mitissimum, & officiosissimum, nec ego dubito, cum si diutius foret Florentiæ, & per tempus liceret (fuit enim maxime pluuiosum) in cenobium tuum venturum, & Patres, quibus multum se debere fatetur, inuisurum. Querela de Orbilio facetia est intra Grammaticam, non conuiuium, vt tua, quæ sunt extra argumentum, & aculeata contra decorū, & famā viri. Cessat itaque omnis materia tuarum querelarum, & P. Macedo ab omni suspi-

cione liber esse comperitur. Solatio erit P. Macedo similem se euasisse Augustino, quem alumnus Licentius deleuit, & Iulianus impugnavit. Abloluo Epistolam, verbis Augustini lib. 2. contra Maximinum initio. Vbi cum illo multas eruditiones, & auctoritates, & locos copiosissimè afferente subtiliter, & acutè disputans ait. *Quid tibi visum est tam multa dicere, & pro causa, qua inter nos agitur nihil dicere, quasi hoc sit respondere posse, quod est tacere non posse.*

Redeo ad Hilarium sex tu contra numerabas, ego sexcentos pro illo numerarim, & priscos. Mihi certe videtur mirum, quòd Patres antiqui, ut Alcimus Auitus, S. Fulgentius, S. Isidorus, Ioannes Antiochenus, & alij qui Cassianum, & Faustum Episcopum Regiensensem aperte insimulant, & culpant de hæresi Semipelagiana, ne leuiter quidem tangant Hilarium Arelatensem, cum tamen ille coæuus fuerit Cassiano, & Fausto. Prope erant, & vicini illi Sæculo citati PP. & nihilominus cum omnes acriter pugnarent pro Augustini sententia, nullus eorum tamquam hostem sibi contrarium vidit, aut habuit Hilarium Arelatensem. Solus Pater Noris post duodecim Sæcula à tempore Hilarij Arelatensis de longinquo positus hunc Semipelagianismi nexum in eo animaduertit, durior Gennadio.

D. Leo in volumine suorum operum typis excussio Lugduni apud Michalem Liberal. Epistola Decretali 106. scribens ad Episcopos per Arelatensem Galliarum Prouinciā constitutos post obitum Sancti Hilarij ita loquitur. *Quod ergo in Arelatensiam Ciuitate, defuncto Sancta memoria Hilario, virum etiam nobis probatum Fratrem Rauennium, secundum desideria Cleri, honoratorum, & plebis, unanimiter consecrasti, bonum Fraternitatis Vestra opus nostro iudicio comprobamus.*

D. Prosper lib. 2. de vita contemplatiua. Cap. 9. Denique Sanctus Paulinus, ut ipsi melius noſtis, ingentia pradia, quia fuerunt sua, vendita pauperibus erogauit, sed cum postea factus esset Episcopus non contempsit Ecclesie facultates, sed fir-  
delif-

*delissime dispensauit, quo facto satis ostendit, & propria debere propter perfectionem contemni, & sine impedimento perfectionis posse Ecclesia, qua sunt profecto communia, possideri. Quid Sanctus Hilarius? Nonne & ipse omnia bona sua, aut parentibus reliquit, aut vendita pauperibus erogauit? Is tamen cum merito perfectionis sua fieret Ecclesie Arelatensis Episcopus quod illa tunc habebat Ecclesia non solum possedit, sed etiam acceptis fidelium numerosis hereditatibus ampliavit. Ipsi ergo tam Sancti tam perfecti Pontifices factis euidentibus clamant posse, & debere fieri quod fecerunt.*

Tandem ut appareat quanta sit doctrina, & eruditio Macedi accipe hoc specimen Venetum, & obstupece.

Leonis Sancti Marci Rugitus Litterarj per dies octo continuos ore P. Macedi obleruantis Minoritæ prolatus.

#### I. Sacer

Serenissimo Principi DD. Dominico Contareno Venetiarum Duci.

**D**E Sacra Scriptura, tum veteris, tum noui Testamenti, deque eiusdem sensibus, versionibus, interpretatione, expositione.

#### II. Sacer

*Illustrissimo, ac Excellentissimo D. Aloyso D. Marci  
Procuratori Contareno.*

De Romanorum Pontificum serie, successione, auctoritate suprema: deque Concilij Oecumenicis, & cæteris, ac eorum Causis, Præsidibus, Doctrina.

#### III. Dicatus

*Illustrissimo, ac Excellentissimo D. Andrea D. Marci  
Procuratori Contareno.*

De Historia Ecclesiastica: tum ab Adamo vsque ad Christum: tum à Christo vsque ad annum præsentem.

#### IV. Dicatus

*Illustrissimo, ac Excellentissimo D. Angelo D. Marci  
Procuratori Corvaro:*

De Sanctorum Patrum, & Græcorum, & Latinorum ætate,

te, & Doctrina, ac præcipuè S. Augustini, cuius opera omnia exponuntur; sententiæ afferentur: defenduntur.

V. Consecratus

*Illustrissimo, ac Excellentissimo D. Nicolao D. Marci  
Procuratori Sagredo.*

De tota Philosophia: & Theologia speculatiua, & Morali: ac illius scholis, præcipuè Scotica, Thomistica, Iesuitica: deque Sacris Canonibus, & Institutis: ac libris iuris Ciuilibus.

VI. Consecratus

*Illustrissimo, ac Excellentissimo D. Baptista D. Marci  
Procuratori Nanio.*

De Historia Græca, Latina, Barbara, præcipuè Italæ, & Venetæ.

VII. Dedicatus

*Illustrissimo, ac Excellentissimo D. Petro D. Marci  
Procuratori Basadona nunc S.R.E. Cardinali.*

De Rhetorica, ac illius arte, ac methodo: ad vsum ita redacta, vt quæcumque quis quæstionem dicenti ponat, de ea ex tempore dicentem audiat.

VIII. Dedicatus

*Illustrissimo, ac Excellentissimo D. Antonio Grimano  
ad Summum Pontificem Oratori electo.*

De Poetica ad mentem Aristotelis: deque illius formis: & versibus. Poetis præcipuis Græcis, Latinis, Italis, Hispanis, Gallis. Oblata quauis materia, ex temporalis cam Poeta suscipièt, & versu describet.

**H**As Theses summa omnium expectatione, & admiratione exceptas sustinuit Pater Macedo, euentu felicissimo, Præsentibus multis Excellentissimis DD. Procuratoribus Sancti Marci, & compluribus Senatoribus, & Nobilibus Venetæ Reipublicæ, & magno numero Doctorem, ac Religiosorum virorum, etiam alienigenarum, quos fama exciuerat. Interrogarunt, & probarunt hominem innumertis quæsitis, & argumentis Doctores, ac Magistri omnium ordi-



ordinum: quibus ipse ad votum respondit: ac si præmeditata omnia habuisset. Tanta felicitate, ut nunquam ticubaret, nunquam dubitaret, nunquam hæserit, nunquam cunctatus fuerit. Imo sæpè accidit, ut arguentibus quæ obijciebant, aut obliuiscens, aut male recitantes, ipse dicenda subministraret, & corrigeret. Inter quos fuit vnus qui Sacræ Scripturæ locum malè citarat: & alter cui locus Virgilij memoria exciderat: & tertius qui nonnullos authores suspectos pro sua sententia allegauerat. Primo igitur testimonium Sacræ Scripturæ correxit. Secundo versus Virgilij suggessit. Tertio subtraxit suspectos authores, & idoneos subministravit. Iam verò Actio nouissima de Carmine ex temporali admirabilis visa est omnibus. Is fuit entusiasmus hominis, ut plusquam duo millia versuum repente effuderit, & argumenta sibi proposita, ex temporali Carmine reddiderit: inter quæ fuerunt duo: Gigantomachia, & furor Medæ Filios occidentis. Hæc ille vix audita suscepit, & versibus ornauit ingenti plausu, & admiratione. Fassi sunt omnes nunquam se simile quidquam vel vidisse, vel audisse: nec sibi persuadere potuisse vnum hominem tot tamque diuersa genera scientiarum complexurum fuisse. Mirati & acumen, & eruditionem, & eloquentiam, & Venæ Poeticæ vbertatem. Terminauit actionem Epigrammate in laudem Urbis Venetiarum pari omnino illi celeberrimo, ab insigni Poeta Iacobo Sannazaro composito. Quod quia excellens habitum fuit, in Bibliotheca Publica Sancti Marci auctoris manu scriptum affigi iussum, & præterea ad vsum communem typis mandatum. Itaque eum Virum dignum Senatus indicauit, qui Ciuitate Veneta donaretur, & cui Cathedra Patavina, quæ tunc vacabat, liberali stipendio præter consuetudinem aucto assignaretur. Depingi vero eum suis sumptibus curauit Illustrissimus, ac Excellentissimus Dominus Antonius Grimæus tunc Orator ad Summum Pontificem destinatus, & hodie apud ipsum legatus. Sed Pictura opus non erat ei, cuius fama futura erit



*rundem persenerantia, admirandis libris, tradiderat; Erenne  
propugnauit. Tamsam in dicendo gratiam habuit, ut concio-  
nantem, ceu delapsam de calo Paulum omnes suspicerent, atque  
reuererentur.*

Hoc opusculum, quatrduanus est fætus, & bene, opi-  
nor, olet: vno die compositum, triduo impressum.

Da veniam Lector: non erant characteres  
Hebraici, nec Græcanici:

F I N I S.



17  
The first of these is the  
the second is the  
the third is the  
the fourth is the  
the fifth is the  
the sixth is the  
the seventh is the  
the eighth is the  
the ninth is the  
the tenth is the

Given under the Great Seal of Great Britain  
this 17th day of January 1714

P I N I S



# ERRATA.

Pag. 2. linea 10. & negant dele &

ibi lin. 30. vel He lege Tau.

Pag. 2. lin. 1. *Propositum* dic ad *propositum*.

21.4901

2







